

修行本起經卷上

言九

後漢沙門竺大力共康孟祥譯

現變品第一

聞如是一時佛在迦維羅衛國釋氏精舍尼拘陀樹下與大比丘眾千二百五十人俱皆是阿羅漢已從先佛淨修梵行諸漏已盡意

王文斌

解無垢眾智自在曉了諸法離於重擔逮得所願三處已盡正解已解三神滿具六通已達比丘尼眾大愛道等五百人不可計諸優婆塞優婆夷四輩普具諸異學婆羅門尼犍等不可計都悉來會一切諸四天王忉利天王餒天王兜術天王尼摩羅提天王波羅尼

蜜天王梵天王乃至阿迦膩吒天王各與無央數眾皆悉來會諸龍王阿須倫迦留羅真陀羅摩休勒一一尊神復尊冬與眷屬皆悉來會白淨王無怒王無怨王甘露淨王及迦維羅衛九億長者各從官屬一時來會為佛作禮却坐一面

亦時佛放身三十二相八十種好光明普照三千世界如月盛滿星中特明威神堂堂眾聖中王一切眾會咸有疑心各自念言太子生迦維羅衛長白淨王家棄國行學道成号佛為於樹下六年得道耶十二年得乎或復念言本行何術致斯巍巍所事何師今得特尊始修何法得成為佛佛知一切皆有疑意便告摩訶目犍連汝能為怛薩阿竭說本起乎於是目連即從座起前整衣服長跪叉手白佛言唯然世尊今當承佛威神持佛神力為一切故當廣說之佛言宿命無數劫時本為凡人初求佛道以來精神受形周徧五道一身死壞復受一身生死無量譬喻盡天下草木斬以為籌計吾故身不能數矣夫極天地之始終謂之一劫而我更天地成壞者不可稱載也所以感傷世間貪意長流沒於愛欲之海吾獨欲返其源故自勉而特出是以世世勤苦不以為勞

虛心樂靜無為無欲損已布施至誠守戒謙卑忍辱勇猛精進一心思微學聖智慧仁活天下悲窮傷厄慰沃憂感育養衆生救濟苦人承事諸佛別覺真人功勳累積不可得記至于昔者錠光佛興世有聖王号名燈盛治在提和衛國人民長壽慈孝仁義地沃豐盛

竟

二

其世太平生一太子字為錠光聰明智達世之少雙聖王愛念甚奇甚異臨壽終時國付太子太子錠光念計無常傳國授弟即時出家行作沙門道成号佛無上至尊神德光明無晝無夜從比丘衆六十二萬遊行世界開化群生當還提和衛國度脫種姓及國臣民與諸大衆遊詣本國是時國中百官群臣謂佛大衆來攻奪國皆共議言今當與師逆往拒之不宜與國即時相率欲以向佛佛以六通逆照其心化作大城高大嚴峻與彼城對佛哀國人欲令解脫即化二城變為琉璃其城洞達內外相照復化六十二萬比丘如佛

無異變化示現王見惶怖疑解心伏即出詣佛叩頭自悔稟性空頑惡意向佛愚人所誤幸惟原之願佛便還精舍七日之中當修所供奉迎至尊佛知其意默然便還於是其王問群臣曰奉迎聖王其法云何諸臣言迎遮迦城王法莊嚴國土面四十里平治道路香

汁灑地金銀珍奇七寶欄楯起諸幢幡繒綵華蓋城門街巷莊校嚴飾彈琴鼓樂如切利天散華然燈燒衆名香敬侍道側七日已辦王勅群臣百官導從躬親近佛佛哀人民告諸比丘嚴出應請比丘受教行詣本國佛告比丘汝等見此供設嚴好光目者不昔計承

言九

三

事往古諸佛供養莊嚴亦如今也

是時有梵志儒童名無垢光幼懷聰毅志大包弘隱居山林守玄行禪畧書祕識無所不知心思供養奉報師恩辭行開化道經丘聚聚中梵志名不樓陀盛祀大祠滿十二月飯食供養梵志徒衆八萬四千人歲終達嚩金

銀珍寶車馬牛羊衣被繒絲履屣七寶之蓋  
 錫杖澡盥最聰明智慧者應受斯物七日未  
 竟時儒童菩薩入彼眾中論道說義七日七  
 夜亦時其眾欣踊無量主人長者甚大歡喜  
 以女賢意施與菩薩菩薩不受惟取傘蓋錫  
 杖澡盥履屣金銀錢各一千還上本師其師  
 歡喜便共分布儒童菩薩復辭出行時諸同  
 學各各贈送人一銀錢遂行入國見人欣然  
 忿忿平治道路灑掃燒香即問行人用何等  
 故行人荅曰錠光佛今日當來施設供養儒  
 童菩薩聞佛歡喜踊躍衣毛肅然佛從何來  
 云何供養行人對曰惟持華香繒絲幢幡於  
 是菩薩便行入城勤求供具須臾周了不  
 可得國人言王禁華香七日獨供養菩薩聞  
 之心甚不樂須臾佛到知童子心時有一女  
 持瓶盛華佛放光明徹照華瓶變為瑠璃內  
 外相見菩薩往趣而說頌曰  
 銀錢凡五百 請買五莖華 奉上錠光佛

求我本所願  
 女時說頌荅菩薩言  
 此華直數錢 乃雇至五百 今求何等願  
 不惜銀錢寶  
 菩薩即荅言  
 不末釋梵魔 四王轉輪聖 願我得成佛  
 度脫諸十方 女言善快哉 所願速得成  
 願我後世生 常當為君妻  
 菩薩即荅言  
 女人多情態 壞人正道意 敗亂所求願  
 斷人布施心  
 女荅菩薩言  
 言九  
 女善後世生 隨君所施與 兒子及我身  
 令佛知我意 仁者慈愍我 惟賜求所願  
 此華便可得 不者錢還卿 即時思宿命  
 觀視其本行 已更五百世 曾為菩薩妻  
 於是便可之歡喜受華去意甚大悅今我女  
 弱不能得前請寄二華以上於佛即時佛到

國王臣民長者居士眷屬圍繞數千百重菩薩欲前散華不能得前佛知至意化地作泥人衆兩披介乃得前便散五華皆止空中變成華蓋面七十里二華住佛兩肩上如根生菩薩歡喜布髮著地願尊蹈之佛言豈可蹈乎菩薩對曰惟佛能蹈佛乃蹈之即住而笑

口中五色光出離口七尺分爲兩分一光繞佛三匝光照三千大千刹土莫不得所還從頂入一光下入十八地獄苦痛一時得安諸弟子白佛言佛不妄笑願說其意佛言汝等見此童子不唯然已見世尊言此童子於無數劫所學清淨降心棄命捨欲守空不起不

滅無猗之慈積德行願今得之矣

佛告童子汝却後百劫當得作佛名釋迦文

准言如來無所著至真等正覺劫名波陀

能言世界名沙擗漢言父名白淨母名摩耶

妻名裘夷子名羅云侍者名阿難右面弟子

名舍利弗左面弟子名摩訶目犍連教化五

言九

五

濁世人度脫十方當知我也於是能仁菩薩以得決言踊躍歡喜疑解望止燿然無想寂而入定便逮清淨不起法忍即時身踊懸在空中去地七仞從上來下稽首佛足便作沙門佛說頌言  
汝當於是世 把草坐樹下 戒忍定慧力

降伏魔官屬 汝行聖人場 打震甘露鼓

愍恣衆生故 續轉無上輪 汝當於是世

善權無上慧 九十六外道 皆令得法眼

汝當於是世 慈哀行四恩 施慧法甘露

滅除三毒病

能仁菩薩承事錠光至于泥洹奉戒清淨守

護正法慈悲喜護惠施仁愛利人等利救濟

不倦壽終上生兜術天上欲救一切攝度盲

冥從上來下爲轉輪王飛行皇帝七寶導從

何等爲七寶一金輪寶二神珠寶三玉女寶

四典寶藏臣五典兵臣六紺馬寶珠鬘鬘七

白象寶珠髮尾金輪寶者輪有千輻厥文刻

鑊衆寶填廁光明洞達絕日月光當在王上  
王心有念輪則爲轉案行天下須臾周而是  
故名爲金輪寶也神珠寶者至二十九日月  
盡夜時以珠懸於空中在其國上隨國大小  
明照內外如晝無異是故名爲神珠寶也玉  
女寶者其身冬則溫暖夏則清涼口中青蓮  
華香身拊檀香食自消化無大小便利之患  
亦無女人惡露不淨髮與身等不長不短不  
白不黑不肥不瘦是以名爲玉女寶也典寶  
藏臣者王欲得金銀瑠璃水精摩尼真珠珊  
瑚珍寶時舉手向地地出七寶向水水出七  
寶向山山出七寶向石石出七寶是故名爲  
典寶藏臣也典兵臣者王意欲得四種兵馬  
兵馬兵車兵步兵臣白王言欲得幾種兵若  
千若萬若至無數顧視之間兵即已辦行陣  
嚴整是故名爲典兵臣也紺馬寶者馬紺青  
色鬣鬣貫珠溫厚洗刷珠則墮落須臾之間  
更生如故其珠鮮潔有踰於前鳴聲于遠聞

言九

六

一由旬王時乘騎案行天下朝去暮返亦不  
疲極馬脚觸塵皆成金沙是故名爲紺馬寶  
也白象寶者色白絕目七肢平時力過百象  
鬣尾貫珠既鮮且潔口有六牙牙七寶色若  
王乘時一日之中周徧天下朝往暮返不勞  
不疲若行度水水不搖動足亦不濡是故名  
爲白象寶也亦時人民壽八萬四千歲後宮  
嫫女各八萬四千王有千子仁慈勇武一人  
當千聖王治政戒德十善教授人民天下太  
平風雨順時五穀熟成食之少病味若甘露  
氣力豐盛惟有七病一者寒二者熱三者飢  
四者渴五者大便六者小便七者意所欲聖  
王壽盡又昇梵天爲梵天王上爲天帝下爲  
聖主各三十六返終而復始欲度人故隨時  
而出菩薩勤苦經歷三阿僧祇劫劫垂欲盡  
愍傷一切輪轉無際爲衆生故投身餓餓虎  
勇猛精進超踰九劫能仁菩薩於九十一劫  
修道德學佛意行六度無極布施持戒忍辱

精進一心智慧善權方便慈悲喜護養育衆生如視赤子承事諸佛積德無限累劫勤苦通十地行在一生補處功成事就神智無量期運之至當下作佛於堯術天上與四種觀觀視土地觀視父母生何國中教化之宜先當度誰白淨王者是吾累世所生父拘利刹

言九

七

帝有二女時在後園池中澡浴菩薩舉手指言是吾世世所生母當往就生時有五百梵志皆有五神通飛過宮城不能得度驚而相語吾等神足石壁皆通因何等故今不得度梵志師言汝見此二女不一女當生三十二相大人一女當養三十二相大人是其威神

今吾等夫神足是時音聲普聞天下是時白淨王歡喜踊躍貪得飛行皇帝來生其家即便求索娉迎為妻迦夷衛者三千日月萬二千天地之中央也過去來今諸佛皆生此地菩薩降神品第二於是能仁菩薩化乘白象來就母胎用四月

八日夫人沐浴塗香著新衣畢小如安身寢見空中有乘白象光明悉照天下彈琴鼓樂弦歌之聲散華燒香來詣我上忽然不現夫人驚寤王即問曰何故驚動夫人言向於夢中見乘白象者空中飛來彈琴鼓樂散華燒香來在我上忽不復現是以驚覺王意恐懼

心為不樂便召相師隨若那占其所夢相師言此夢者是王福慶聖神降胎故有是夢生子處家當為轉輪飛行皇帝出家學道當得作佛度脫十方王意歡喜於是夫人身意和雅而說偈言

今我所懷胎

必是摩訶薩

姪邪嫉恚止

身心清淨安	心常樂布施	持戒忍精進
定意入三昧	智慧廣度人	觀察大玉身
敬如父以兄	瞻愍人民類	亦如已赤子
疾病醫藥療	飢寒施衣食	憐貧敬尊老
樂令生老滅	諸在獄閉繫	毒苦愁怖惱
願王加大慈	一時赦罪過	今我不欲聞

世俗音樂聲 志趣山林宴 清淨寂默定  
 於是粟散諸小國王聞大王夫人有娠皆來  
 朝賀各以金銀珍寶衣被華香敬心奉貢稱  
 吉無量夫人舉手攘之不欲勞煩自夫人懷  
 妊天獻眾味補益精氣自然飽滿不復饜王  
 厨十月已滿太子身成到四月八日夫人出

言九

八

遊過流民樹下眾華開敷明星出時夫人攀  
 樹枝便從右脅生墮地行七步舉手住而言  
 天上天下惟我為尊三界皆苦吾當安之應  
 時天地大動三千大千刹土莫不大明釋梵  
 四王與其官屬諸龍鬼神閻又犍陀羅阿須  
 倫皆來侍衛有龍王兄弟一名迦羅二名鬱

迦羅左雨温水右雨冷泉釋梵摩持天衣裏  
 之天雨華香彈琴鼓樂熏香燒香擣香澤香  
 虚空側塞夫人抱太子乘交龍車幢幡伎樂  
 導從還宮王聞太子生心懷喜踊即與大眾  
 百官群臣梵志居士長者相師俱出往迎王  
 馬足觸地五百伏藏一時發出海行興利於

時集至梵志相師普稱萬歲即名太子号為  
 悉達漢言財吉王見釋梵四王諸天龍神彌滿空  
 中敬心肅然不識下馬禮太子時未至城門  
 路側神廟一國所崇梵志相師咸言宜將太  
 子禮拜神像即抱入廟諸神形像皆悉顛覆  
 梵志相師一切大眾皆言太子實神實妙威

德感化天神歸命咸稱太子号天中天  
 於是還宮天降瑞應三十有二一者地為大  
 動丘墟皆平二者道巷自淨臭處更香三者  
 國界枯樹皆生華葉四者苑園自然生奇甘  
 果五者陸地生蓮華大如車輪六者地中伏  
 藏悉自發出七者中藏寶物開現精明八者

言九

九

篋笥衣被披在椀架九者眾川萬流停注澄  
 清十者風霽雲除空中清明十一者天為四  
 面細雨澤香十二者明月神珠懸於殿堂十  
 三者宮中火燭為不復用十四者日月星辰  
 皆住不行十五者沸星下現侍太子生十六  
 者天梵寶蓋彌覆宮上十七八方之神奉寶

來獻十八天百味飯自然在前十九寶甕萬  
口懸盛甘露二十天神牽七寶交露車至二  
十一五百白象子自然羅在殿前二十二五  
百白師子子從雪山出羅住城門二十三天  
諸娑女現妓女有上二十四諸龍王女繞宮  
而住二十五天萬玉女把孔雀尾拂現宮牆

上二十六天諸玉女持金瓶盛香汁列住空  
中侍二十七天樂皆下同時俱作二十八地  
獄皆休毒痛不行二十九毒蟲隱伏吉鳥翔  
鳴三十魚獵怨惡一時慈心三十一境內孕  
婦生者悉男聾盲瘖瘡殘百病皆悉除愈  
三十二樹神人現低首禮侍當此之時十六

大國莫不雅竒歎未曾有  
於是香山有道士名阿夷中夜覺天地大動  
觀見光明輝赫於常山中有華華名優曇鉢  
華中自然生師子主墮地便行七步舉頭而  
吼面四十里其中飛鳥走獸蝘飛蚊行蠕動  
之類莫不攝伏阿夷念言世間有佛應現此

瑞今世五濁盛惡何故有此吉祥瑞應天曉  
飛到迦夷衛國未及國城四十里外忽然落  
地心甚驚喜此必有佛於我無疑步詣宮門  
門監白王阿夷在門王愕然曰阿夷常飛今  
者何故在門求通王即出禮拜迎澡洗沐浴  
施新衣服問評今日臨顧勞屈尊聖阿夷荅

曰聞大王夫人生太子故來瞻省勅其內人  
抱太子出侍女白言太子疲懈始得安眠阿  
夷喜悅便說偈言

大難常自覺 覺諸不覺者 塵劫無睡卧  
豈當眠寐乎

於是侍女抱太子出欲以太子向阿夷禮阿  
言九

夷便驚起前禮太子足國王及群臣見國師  
阿夷敬禮太子心便悚然益知至尊即皆頭  
面禮太子足阿夷猛力迴伏百壯士方抱太  
子筋骨委震見竒相三十二八十種好身如  
金剛殊妙難量悉如祕識必當成佛於我無  
疑淚下哽噎悲不能言時王惶怖請問太子

有不祥乎吉凶願告幸勿有難阿夷自抑制  
即便說偈言

今生大聖人 除世諸災患 傷我自無福

七日當命終 不見神變化 說法雨世間

今與太子別 是故自悲泣 太子舉手言

五道十方人 吾當盡教化 皆令得其所

我本意所願 當度薩和薩 一人不得道

吾不入沉湮 於是阿夷喜重禮太子足白淨王怖止歡喜

即說偈言  
太子有何相 當何治於世 願為一一說

諸相有何福

時阿夷以偈答王言

今觀太子身 金色堅固志 無上金剛杵

春破姪欲山 大人相滿真 足下安平正

居國當平治 出家等正覺 手足輪相現

其好有千輻 是故轉法輪 得佛三界尊

鹿牘而龍髀 隱相陰馬藏 觀者無有厭

言九

是故法清淨	纖長手臂指	軟掌縵中裏
是故法久長	千歲在世教	皮毛柔軟細
右旋不受塵	金色鈎鎖骨	是故伏外道
方身師子臆	旋轉不阿曲	平任手過膝
是故一切禮	身有七處滿	千子力當敵
菩薩宿作行	是故無怨惡	口含四十齒
方白而齊平	甘露法率衆	是故有七寶
頰車如師子	四牙萬字現	佛德現天下
是故豐三世	味味次第味	所食識其味
是故設法味	施與於一切	廣舌如蓮華
出口覆其面	是故種種音	受者如甘露
語聲哀鸞音	誦經過梵天	是故說法時
身安意得定	眼相紺青色	世世慈心觀
是故天人類	視佛無有厭	頂特生肉髻
髮色紺瑠璃	欲度一切故	是故法隆盛
面光如月滿	色像華初開	是以眉間毫
白淨如明珠		

於是王深知其能相為起四時殿春秋冬夏

各自異處其殿前列種甘果樹樹間七寶池  
池中奇華色色各異譬如天華水類之鳥數  
十百種宮城牢固七寶樓觀懸鈴幢幡門戶  
開閉聲聞四十里選五百妓女擇取溫雅禮  
儀備者供養娛樂育養太子太子生日國中  
八萬四千長者生子悉男八萬四千廐馬生

駒其一特異毛色絕白髦髮貫珠以是之故  
名之爲蹇特廐生白象八萬四千其一白象  
七肢平時鬣尾貫珠口有六牙是故名爲白  
象之寶白馬給乘奴名車匿太子生七日其  
母命終以懷天師功福大故生初利天封受  
自然太子在宮不樂憤鬧志思閑燕王問侍

女太子樂乎侍女白言供養伎樂不失時節  
觀省太子不以歡樂王用愁憂即召群臣阿  
夷相言必成佛道以何方便使太子留令無  
道意有一臣言惟教書疏用繫志意即與其  
僕五百人俱共詣師門師聞太子至即出拜  
迎太子問言此爲何人臣言是國教書師也

言九

十三

太子問言閻浮提書凡有六十四種即數書  
名今用何書以相教示梵志惶怖答太子言  
六十四種已所未聞惟持二書以教人民即  
時歸命願赦不及  
修行本起經試藝品第三  
於是太子與諸官屬即迴還宮至年十七妙

才益顯晝夜憂思未曾歡樂常念出家王問  
其僕太子云何其僕答言太子日日憂悴未  
嘗歡樂王復愁憂召諸群臣太子憂思今當  
如何有一臣言令習兵馬或言當習手搏射  
御或言當令集行國界使觀施爲散其意思  
有一臣言太子已大宜當妻娶以迴其志王

爲太子採擇名女無可意者有小國王名須  
波佛漢言善覺有女名婁夷端正皎潔天下少雙  
八國諸王皆爲子求悉不與之白淨王聞即  
召善覺而告之曰吾爲太子娉取卿女善覺  
答言今女有母及諸群臣國師梵志當上所  
宜別自啓白善覺歸國愁憂不樂絕不飲食

女即問王體力不安何故不樂父言坐汝令  
 吾憂耳女言云何為我父言聞諸國王來求  
 索汝吾皆不許今白淨王為太子求汝若不  
 許者恐見誅罰適欲與者諸國怨結以是之  
 故令吾憂感女言願父安意此事易耳我知  
 七日自處出門善覺聽之表白淨王女却七

言九

十三

日自求出處國中勇武技術最多者尔乃為  
 之白淨王念太子處宮未曾所習今欲試藝  
 當如何平至其時日裘夷從五百侍女詣國  
 門上諸國術士普皆雲集觀最妙技禮樂備  
 者我乃應之王勅群臣當出戲場觀諸技術  
 王語優陀汝告太子為尔娶妻當現奇藝優

陀受教往告太子王為娶妻今試禮樂宜就  
 戲場太子即與優陀難陀調達阿難等五百  
 人執持禮樂射藝之具當出城門安置一象  
 當其城門波有力者調達先出見象塞門叔  
 之一拳應時即死難陀尋至牽著道側太子  
 後來問其僕曰誰在殺象答言調達殺之誰

復移者答言難陀菩薩慈仁徐前接象舉擲  
 城外象即還蘇更生如故調達到場撲眾力  
 士莫能當者諸名勇力皆為摧辱王問其僕  
 誰為勝者答言調達王告難陀汝與調達二  
 人相撲難陀受教即撲調達頓蹕悶絕以水  
 灌之斯須乃蘇王復問言誰為勝者其僕答

言難陀得勝王告難陀與太子決難陀白王  
 兄如須彌難陀如芥子實非其類拜謝而退  
 復以射決先安鐵鼓十里置一至于七鼓諸  
 名射者其箭力勢不及一鼓調達放發徹一  
 中二難陀徹二箭貫三鼓其餘藝士無能及  
 者太子前射挽弓皆折無可手者王告其僕

曰吾先祖有弓今在天廟汝取持來即往取  
 弓二人乃勝今與眾人無能舉者太子張弓  
 弓聲如雷傳與大眾莫能引者太子攬弓牽  
 彈弓之聲聞四十里彎弓放箭徹過七鼓再  
 發穿鼓入地泉水涌出三發貫鼓著鐵圍山  
 一切眾會歎未曾有諸來決藝悉皆受折慚

辱而去復有力人王最於後來壯健非常勇  
猛絕世謂調達難陀為不足擊當與太子共  
決技耳被辱去者審呼能報踊躍歡喜語力  
人王卿之雄桀世無當者決力取勝必自如  
意皆隨後還觀與太子決於勝負調達難陀  
奮其威武便前欲擊太子止言此非為人大

言九

十四

力魔王耳卿不能制必受其辱善自當之父  
王聞此念太子勿深為愁怖諸來觀者謂勝  
太子時力人王踏地勇起奮臂舉手前撮太  
子太子應時接撲著地地為大動眾會重辱  
散去忽滅太子殊勝椎鍾擊鼓彈琴歌頌騎  
乘還宮優陀語善覺言太子技藝事事殊特

卿女裴夷今為所在善覺答言從五百女在  
城門上優陀白太子言宜現奇特太子脫身  
珠瓔欲遙擲之優陀言眾女大多今擲與誰  
太子言珠瓔著頸則是其人尋便擲珠即著  
裴夷一切眾女皆稱妙哉甚為殊特世之希  
有於是善覺嚴辦送女詣太子宫眾伎侍從

凡二萬人晝夜娛樂絕世之音太子志意不  
以為歡常欲棄捨靜修道業濟度眾生王問  
其僕太子迎妃以來意趣云何僕答王言憂  
思不樂身體羸瘦轉不如前王心愁憂即召  
群臣太子不悅當如之何諸臣議言宜復娉  
娶增其散樂備能迴志樂於世間即復為娉

妙女一名眾稱味二名常樂意其一夫人者  
二萬妹女三夫人者凡有六萬妹女端正妙  
好天女無異王問裴夷等太子今有六萬妹  
女妓樂供養太子寧樂乎答言太子夙夜專  
精志道不思欲樂王聞憂慘召諸群臣復共  
議言今供太子盡世珍奇而故專志未曾歡  
喜必如何夷言乎諸臣答言六萬妹女極世  
之樂不以為歡宜使出遊觀於正治以散道  
意也

十五末

修行本起經卷上

言九

錠光

上音

嚴峻

下和

叩頭

上音

攔楯

下時

聰

